



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-kline.org

Kuvendi i Komunës Klinë

Komiteti për Politikë dhe Financa

01Nr 06 - 1595 /24

Klinë, dt: 10.05. /24

PROCESVERBAL

Nga mbledhja e katërt e rregullt e Komitetit për Politikë dhe Financa, mbajtur, më 08.04.2024, me fillim nga ora 09:00 në sallën e Kuvendit të Komunës.

Mbledhjen e hapi Kryesuesi, z. Fadil Gashi, i cili përshëndeti të gjithë anëtarët e Komitetit, drejtorin e Financave, OSBE-në dhe gjithë të pranishmit.

Kryesuesi, prezantoi rendin e ditës:

1. Arsyetimi i mungesave;
2. Shqyrtimi dhe miratimi i procesverbalit nga mbledhja e kaluar;
3. Shqyrtimi i raportit të menaxhimit finansiar për periudhën janar-mars 2024;
4. Shqyrtimi i kërkesave të arritura për Komitetin për Politikë dhe Financa për muajin mars-prill 2024;
5. Të ndryshme.

Fadil Gashi, kryesues: Po besoj që rendin e ditës e keni marr, prezent jemi të gjithë, përvëç Azdrenit që ka konfirmuar që do të vonohet pak. A ka dikush për rend të ditës ose a pajtoheni për rend të ditës, kush është për?

Me 6 vota PËR, u miratua unanimisht rendi i ditës.

1. Arsyetimi i mungesave.

Fadil Gashi, kryesues: Sapo e konfirmova për Azdrenin, të tjerët jemi prezentë.

2. Shqyrtimi dhe miratimi i procesverbalit nga mbledhja e kaluar.

Fadil Gashi, kryesues: A ka dikush për procesverbal?

Me 6 vota PËR, asnje kundër dhe asnje abstenim u miratua procesverbali i mbledhjes së kaluar.

3. Shqyrtimi i raportit të menaxhimit finansiar për periudhën janar-mars 2024.

Fadil Gashi, kryesues: Nëse dëshironi një prezantim, drejtorin e keni këtu.

Enver Berisha, drejtor i FEZH: Faleminderit, kryesues, përshëndetje për anëtarët e Komitetit për Politikë dhe Financa, përfaqësues i policisë së Kosovës! Sikur që është obligative, në bazë të Ligjit për Organizimin e Financave Publike, raportimi çdo tremujor para kuvendit komunal, ne si Drejtori e Financave kemi hartuar këtë raport finansiar për tremujorin janar-shkurt-mars të vitit 2024 dhe e veçanta e kësaj është se të paktën prej sa jam këtu, se di ndoshta është pak çështje e besimit edhe e tjerave, po është mirë secilën herë rapporti është në përfundim e sipër e kësaj here vlen të shpenzimet që janë bërë brenda këtij tremujori, që nëasnje periudhë më herët nuk ka ndodhur të shpenzohet buxheti sa është shpenzuar në këtë tremujor. Kjo është një indikator që ne këtë vit nuk kemi pasur vonesa ose nuk ka me ndodhur sikur që po ndodh edhe në komuna të Kosovës kudo që ndoshta buxheti më i madhi me u shpenzuar në fund të këtij viti, nëntor dhe dhjetor. Kësaj here kemi ecur me një plan shumë më të mirë, shumë më dinamik të pagesave që realisht neve që kemi kaluar 20% e shpenzimit të buxhetit për 4 muaj, që po them edhe njëherë është indikator jashtëzakonisht i mirë.

Të hyrat për vitin 2024 dmth granti qeveritar 13,212,000.00; të hyrat vetanake për 2024 janë 1,486,000.00 që këtu dmth deri në ditën e sotme janë inkasuar për të hyrat vetanake 338,000.00 dmth që është shifër më pozitive sesa vitin e kaluar për të njëjtën periudhë, dmth edhe ky është një sukses i ri edhe pse besoj që ulja e tatimit në pronë ka ndodhur, pra 30% është pagesa më e ulët për shtëpi por që ka hyrë dmth pagesa në to, po dmth vlera e inkasimit vitin e ardhshëm është më pozitive sesa e vitit të kaluar në të njëjtën kohë. Granti i donatorëve është 48,757,000.00; granti i donatorëve të jashtëm 18,841.00; granti i jashtëm i performancës është 2,585.00 euro, që në total dmth ky buxhet i këtij viti është 14,718.00 euro, ndërsa dmth që është për më shumë se 1,000,000.00, sesa vitin e kaluar apo 2023-tën. Kështu që, ju e keni tabelarin e realizimit të punëve, të projekteve dmth të shërbimeve dhe mallrave, kapitaleve dhe gjitha, dhe ky indikator dmth siç e thash edhe në fillim është jashtëzakonisht pozitiv për këtë tremujor të këtij buxheti, kështu që, ne do te jemi të kujdesshëm. Në seancë besoj do t 'ketë ndoshta kërkesa, pyetje rreth secilit shpenzim veç e veç, ku ne kemi

bërë specifikacionin jo vetëm në këtë formë tabelare për shkak se ka ndodhur ndryshim i kodeve të shumta prej vitit të kaluar në këtë vit, edhe tash edhe forma e realizimit të projekteve nëpër kode është pak më mirë sesa ka qenë në vitin 2023.

Fadil Gashi, kryesues: Faleminderit shumë, drejtor! A ka dikush, po, Tunë Deda?

Tunë Deda: Përshëndetje kryesues për ju, përshëndetje drejtor dhe gjithë të pranishmit! Unë e pash materialin e raportit të menaxhimit financiar të komunës së Klinës për periudhën janar dhe mars 2024 dhe është mirë që keni filluar me punuar mirë dhe me i ruajt shpenzimet, mos me u bërë shpenzime të tepërtë.

Por dua ta shpreh një shqetësim për bujqit: sipas meje është gabim se është ulur tatimi në pronë, e është vënë tatimi në tokë, do të thotë bujqit drejtperdrejt i ka dëmtuar, ata që e punojnë tokën. Drejtor, e di që nuk varet prej jush po prej qeverive, me ju drejtuar me një shkresë. Tatimi në tokë atyre që e punojnë tokën është një ngarkesë me juva vënë, unë juva kisha dyfishuar atyre që se punojnë tokën, që e lëjnë tokën batall. Pajtohem për tatimin në pronë për pyje e për livadhe e për gjitha, po për ato ara që punohen e që bukur shumë me vështirësi sigurohen mjetet për të punuar, se ka shpenzime jashtëzakonisht të mëdha edhe nuk mund të pajtohem kurrë, prapë po flas në emër të qytetarëve, në emër të bujqve, se është bërë gabim i qeverisë apo i ministrisë; do të thotë ja kanë ulur shtëpive tatimin në pronë, ja kanë ulur lokaleve aty ku fitohet paraja e ja ka vënë tatimin për tokë pune, kaq pata, faleminderit!

Fadil Gashi, kryesues: Faleminderit, Tunë, dikush tjetër? Nëse s'ka, kush është për ta miratuar për kuvend?

Komiteti për Politikë dhe Financa, pas shqyrtimit të rapportit të menaxhimit financiar janar-mars 2024, pa ndonjë vërejtje apo sugjerim, me 6 vota PËR, rekomandoi që i njëjti të kalojë për shqyrtim në Kuvend.

4. Shqyrtimi i kërkesave të arritura për Komitetin për Politikë dhe Financa për muajin mars-prill 2024.

Kërkesa I. Kërkesë e parashtruar nga z. Bardhec Gjergjaj për marrje në shfrytëzimin apo dhëni e mundësisë për blerje të parcelës me numër P-71006024-00318-1 ZK-Klinë në sipërfaqe prej 30.22 ari. Po ashtu, thekson se nga kjo parcelë shfrytëzon një pjesë prej 3 ari.

Fadil Gashi, kryesues: Është një procedurë për dhënie në shfrytëzim, ju tani më vec e dini hapësirat publike qysh jepen, duke e respektuar Ligjin për Dhënie në Shfrytëzim dhe Këmbim të Pronës Komunale. Nuk po hyj me arsyetuar më shumë se ato tjerat, po duhet të njëjtin fat dhe të njëjtën rrugë me ja dhënë edhe kësaj. A ka dikush, urdhëro, Tunë Deda?

Tunë Deda: Po, kryesues e pasq unë këtë kërkesë edhe është mirë të gjendet mundësia, por jo me shkel ligjin por në bazë të ligjit me jua dhënë, se ai këtu po thotë e ka në shfrytëzim, ky atë pjesë është duke e shfrytëzuar, po është duke e shfrytëzuar pa qira, edhe pse mos me ja marr qiranë atij edhe me i thënë se ka gabuar që e ka shfrytëzuar pa e pyetur askënd, edhe me ja bëre qiranë komuna, se përfiton prej saj.

Fadil Gashi, kryesues: Po, por s'ka procedurë me ja marr atë qira njëherë, pa ju dalë në shfrytëzim me një vendim ti s'mund t'ja marrësh as qiranë, këtu është krejt pengesa. Për këtë ne jemi të hendekepuar tash sikur për gjitha tjerat. Dikush tjetër?

Tunë Deda: Me kërkuar nga ekzekutivi që të ruhen gjitha kërkesat që janë të kësaj natyre edhe me i aprovuar në dhjetor kur është afati i fundit. Kërkoi falje, kryesues, a ka mundësi me u zgjedh një vendim i përhershëm që të ketë mundësi ekzekutivi me dhënë kur e sheh të arsyeshme?

Fadil Gashi, kryesues: Me këtë ligj, jo, nëse ndryshon ligji, po! A jeni të pajtimit qysh i kemi proceduar gjitha në respektim të Ligjit për Dhënie në Shfrytëzim të Hapësirave Publike, le të shkojë edhe kjo, nëse e shohim të arsyeshme shkojmë duke i proceduar edhe në fund të vitit i shohim sipas rëndësisë që kanë, sipas investimeve që kanë bërë njerëzit. A po pajtoheni kështu, kush është për?

Komiteti për Politikë dhe Financa, me 6 vota PËR, rekomandoi që kërkesa e parashtruar nga z. Bardhec Gjergjaj për dhënien në shfrytëzim të pronës komunale, të dërgohet për shqyrtim në zyrën e kryetarit, ku do të veprohet sipas Ligjit Nr.06./L-092 dhe Rregullores (QRK) Nr. 09/2020 për përcaktimin e procedurave të dhënies në shfrytëzim dhe këmbim të pronës së paluaftshme të komunës.

Kërkesa II. Kërkesë e parashtruar nga Sadik Raci, përmarrje në shfrytëzim të pronës komunale, i cili thekson se: pasi që kam filluar ndërtimin e një stalle, Inspektorët komunalë kanë qenë në vend me datën 01.03.2024 në ora 10:20 minuta, të cilët më kanë përpiluar një procesverbal me të cilin dhe m'i kanë ndaluar punimet. Vendi ku unë planifikoj të ndërtoj një mini-ferm gjendet në fshatin Siqevë, pronë komunale, njësia kadastrale me nr.P-71006045-00450-0, me sipërfaqe prej 1790 m², vendi i quajtur "Lugu i Kronit-Vorret", rruga: "Haki Raci"-Siqevë, kurse mua më nevojitet një pjesë e kësaj prone, përkatesisht aq sa është e nevojshme për vendosjen e një mini-ferme, Po ashtu, deklaroj se nuk do t'i vazhdojë punimet pa aprovimin e asamblesë komunale dhe në momentin që prona në fjalë do t'i nevojitet Komunës. Jam i vetëdijshëm dhe i vendosur për të hequr dorë nga kjo pronë duke e prishur atë me shpenzimet e mijë, duke marr parasysh interesin e përgjithshëm.

Fadil Gashi, kryesues: Kërkesa e dytë është e njëjtë me të parën, debat mund të bëjmë por është rruga e njëjtë dhe procedura e njëjtë si për të parën. A ka dikush, kush është për?

-Komiteti për Politikë dhe Financa, pas shqyrtimit të kërkesës së parashtruar nga z. Sadik Raci për dhënien në shfrytëzim të pronës komunale, me 6 vota PËR, rekomandoi që kërkesa të dërgohet për shqyrtim në Zyrën e kryetarit, ku do të veprohet sipas Ligjit Nr.06./L-092 dhe Rregullores (QRK) Nr. 09/2020 për përcaktimin e procedurave të dhënies në shfrytëzim dhe këmbim të pronës së paluajtshme të komunës.

Pika 5. Të ndryshme.

Fadil Gashi, kryesues: A ka dikush në të ndryshme? Atëherë po e mbylli këtë takim duke ju falënderuar për pjesëmarrje dhe për angazhim.

Procesmbajtësja,
Monika Palushi



Kryesuesi,
Fadil Gashi